

Վ. Պ. ԴԻՔՈՐԻ

ՄԱՆԿԱԿԱՆ ՀՈԳԵԲԱՆՈՒԹՅՈՒՆԸ Հ. ԹՈՒՄԱՆՅԱՆԻ «ԳԻՔՈՐ»-ՈՒՄ

Հ. Թումանյանը հայ մանկա-պատանեկական դրականության ամենախոշոր գեղեցիկ է, մանկան հոգեբանության լավագույն թարգմանն ու արտահայտիչը:

Թումանյանի երկերի ուսումնասիրությունը բերում է այն համոզման, որ քանաստեղծը կարողացել է պահպանել ոչ միայն մանկական հուշերը, այլև զգացմունքներն ու պատկերացումները, յորոնք մշակել է արտասովոր հոգատարությամբ ու գուրգուրանքով, հարստացրել դիտողություններով, իմաստավորել խորագրերն վերլուծություններով ու ընդհանրացումներով:

Դրանում մեզ համոզում է նրա յուրաքանչյուր երկը, սակայն վերլուծության համար վերցնենք մեր կարծիքով ամենանշանավոր մանկական պատմվածքը՝ «Գիքորը»:

«Գիքորը» պատմվածքում Թումանյանը վերարտադրում է կապիտալիզմի վարգացման պայմաններում քայքայվող գյուղը լքած հայ երեխայի վիճակը:

Պատմվածքի հենց սկզբում հեղինակը կարճ ու դիպուկ արտահայտությամբ ցույց է տալիս, թե ինչպես սոցիալական խոշոր հակասությունները ներթափանցել են գյուղական ընտանիքը... «Գյուղացի Համբուլի տունը կոխվ էր ընկել»:

Համբոն տեսնում է, որ գյուղացու աշխատանքը չի կարող ապահովել ընտանիքի գոյությունը, ուղում է Գիքորին տանել քաղաք ու գործի գնել, որ աշխատի ու մարդ դառնա:

Հոր և մոր տարբեր դիրքավորումը միանգամայն հասկանալի է, պատճառարանված. հայրը որպես ընտանիքի նյութական անմիջական պատասխանատուն, կյանքում ավելի փորձված ու բանիմաց, նեղ վիճակից ելք է փնտրում, չկամենալով, որ որդին իր նման խեղճ մնա: Հայրն առաջնորդվում է գիտակցության թելադրանքով:

Մայրը ղեկավարվում էր իր զգացմունքներով, նա չի կարող և չի կամենում հետևել ամուսնու դատողություններին, հասկանալ ու համոզվել. նրա բոլորոված զգացմունքները արգելակում են այդ սառնարյուն դատողությունները:

Գիքորի մայրը Թիֆլիսը համարում է «անիրավ աշխարհ», որտեղ որդուն ոչ մի լավ բան չի ստացում, ահա թե ինչու նա սրտաճմլիկ և ամեն բան ասող խոսքերով դիմում և խնդրում է ամուսնուն՝ «—Չեմ ուզում, իմ քորփա երեխին լն անիրավ աշխարհը մի ղցիլ, չեմ ուզում»... Այդ մի տողում հնչում է նրա մայրական սիրո զգացմունքի հուժկու ձայնը:

Քայց օրյակտիվ պայմաններն այնպիսին էին, որ ոչինչ չէր կարող կանգնեցնել հոսանքը դեպի քաղաք: Գիքորը պետք է գնար... Եվ ահա Համբոն ու Գիքորը ճանապարհվում են: «Մի խաղաղ առավոտ էր, մի տխուր առավոտ»...:

կարծես սրտամաշող ցավով ասում է հեղինակը և իր խորը թախիծը ներարկում ընթերցողին...

Հակոնիկ ու տպավորիչ է ամեն մի արտահայտություն, խմաստավորված՝ ամեն մի ակնարկ: Զգում ես, որ ոչինչ չի ժպտում Գիթորին:

Երբ ամեն ինչ վերջացած է, այլևս դուրձի չմտնող չկա, մոր գրկից Գիթորի փոքրիկ եղբայրը դուրմացած հարցնում է՝ «Գիրք՞ է, էդ ո՞ւր ես գնում, հե՛ Գիրք...», կարծես արտահայտելով ընդհանուր մտահոգությունը, նրան ետ կանգնեցնելու վերջին թույլ ձիգը:

Նրբանկատ հեղինակը ոչ մի տեղ չի ասում, թե Գիթորը չէր ուզում փնայ քաղաք, քանի որ նա արդեն հասկանում էր չլիմադրության ապարդյուն լինելը, գիտեր, որ հոր խոսքը օրենք է և որ գուցե, իսկապես, քաղաքում վատ չի լինի:

Թումանյանը ոչ թե հայտարարություններով, այլ գործողություններով ու պատկերներով է բացահայտում իր հերոսի հոգեկան աշխարհը: Նա չի գրում այն մասին, թե ինչ էր մտածում կամ զգում Գիթորը հոր կողքով քայլելիս, նշում է միայն, որ «Գիթորը շուտ-շուտ ետ էր նայում: Տեսնում էր դեռ գլուխ ծերին կանգնած են նրանք ու մայրը գոգնոցով սրբում է աչքերը: Դարձյալ հոր կողքով վազում կամ առաջն էր ընկնում: Մին էլ ետ նայեց. գլուխը ծածկվել էր բլուրի ետև:

Այնուհետև Գիթորը ետ էր ընկնում»:

Թումանյանն այստեղ նրբորեն վերլուծել է երեխայի հոգեկան վիճակը և ճշմարտացիորեն պատկերել այն:

Ըստ երևույթին, քանի որ Գիթորի զգայությունները չէին կտրվել հարսկատներից, որոնք թեկուզ միայն հեռվից տեսանելի լինելով, տեժ էին ներշնչում նրան, ինքն էլ կամենալով ցույց տալ, որ ընկճված չէ, յղկորվում էր ու վազում, սակայն, երբ այդ տեսողական խթանները վերացան՝ դրությունը բոլորովին փոխվեց:

Երբ ամեն մի հարազատ ինչ աչքից չբացավ. Գիթորն՝ զգաց, որ կտրվեց ամեն ինչից. դա ընկճեց նրան, պակասեցրեց էներգիան. հորն հասնելու կամ առաջ անցնելու այլևս ոչ մի ձգտում չմնաց:

Հայտնի է, որ աստենիկ զգայմունքները իջեցնում են օրգանիզմի ինքնակենսագործունեությունը, պակասեցնում էներգիան: Մյուս կողմից, տարված լինելով իրեն հուզող մտքերով, Գիթորը չէր կարող ուշադրություն դարձնել իր առաջընթացի վրա:

Երկկույան հյուրընկալվում են ծանոթ զյուզապու տանը: Հայր ու որդի միանգամայն տարբեր ու յուրովի են ընկալում այն պայմանները, որոնք կարող էին կարծես համանման տրամադրություններ ստեղծել: Համբուն իր ծանոթի մոտ և իր խղճի առաջ ուզում էր արդարացնել իր քայլը:

Գիթորը, քաղաքի կյանքին բոլորովին ծանոթ չլինելով, չի պատկերացնում իր ապագան, նրա մտածողությունը ծանոթ շրջանակներից դուրս չի գալիս և հաճախ խթանվում է անմիջական ընկալումներով: Տեսնելով տանտիրոջ աղբրկա կարմիր սիրուն շորը, «Գիթորն էնտեղ մտքումը դրեց, որ երբ քաղաքում փող աշխատի, իրենց Զանիի համար մի էնտեսակ շոր դարկի»:

Ահա այսպես քայլ առ քայլ, հաճախ նույնիսկ աննկատելի մանրունքների միջոցով Թումանյանը բացահայտում է Գիթորի հոգեկանի առանձնահատկությունները:

Մյուս օրը հասնում են Թիֆլիս: Բազազ Արտեմի հետ առաջին իսկ հանդիպումը, առաջին խոսքերն արդեն բացահայտում են ժլատ, կեղեքիչ ու դաժան վաճառականի հոգու ողջ այլանդակությունը:

Այս խեղաթյուրված հոգու տևի մարդու կողքին մենք տեսնում ենք խեղճ և ուղղամիտ գեղջուկին, որն իր միամտության հետևանքով նույնիսկ օգնում է վաճառականին, հաստատելով, որ Գիրքորը իսկապես ոչինչ չգիտի և ինքն էլ լիերել է ֆաղաք, որ բան սովորի, մարդ դառնա...

Քաղաքային կյանքի մասին ոչ մի պատկերացում չունեցող գյուղացի երեխայի մտահորիվոնը Թումանյանը դրսևորում է հոր և որդու միջև տեղի ունեցած վրույցի միջոցով:

Գիրքորի բոլոր մտապատկերները, նրանց հիման վրա առաջացած պատկերացումները, գաղափարները և դատողությունները գյուղական միջավայրի շրջանակներից դուրս չեն գալիս: Երեխայի մտածողությունը կոնկրետ է, առարկայական, համեմատությունները՝ ծանոթ ու մատչելի:

— Ապի, սրանք բուխարի շունե՞ն:

— Զէ, սրանցը փեչն ա, ա՛յ էն ա փեչը...

— Կալ էլ շունե՞ն:

— Սրանք քաղաքացի են, գեղացի հո չեն, որ կալ կալեն:

— Ես որ տեղից են հաց ուտում:

— Փողով առնում են ուտում: Հացն էլ են փողով առնում, եղն էլ, կաթն էլ, մածունն էլ, փետն էլ, ջուրն էլ»...

Լսելով, որ քաղաքում նույնիսկ ջուրը փողով են առնում, Գիրքորի վարմանքը իր գազաթնակետին է հասնում: Երեխան պերճախոս չէ, նա իր զգացմունքը հայտնում է միայն մի բացականչությամբ՝ «վա՛»...

Հոր և որդու միջև տեղի ունեցած երկխոսությունը հոգեբանորեն շատ ճշմարտացի է. ներկայացված՝ կեճատ, չվերջացրած նախադասությունները երկուսի համար էլ միանգամայն պարզ են ու հասկանալի:

— Ապի, սրանք ժամ տենե՞ն...

— Ունեն բա ս, սրանք էլ մեզ նման հայ քրիստոնյա են: Մտիկ արա հա — ձեռնաքաշություն չանես... Թե չէ...

— Էստեղ էլ պրիստավ կա որ...

— Կա բա՛ս...

Միշտ դտնելով մտքերն ու զգացմունքներն արտահայտելու առավել դիպուկ ու հակիրճ խոսքեր, Թումանյանը վարպետորեն խուսափում է պարզունակ ու ավելորդ բացատրություններից, ընթերցողին դնում է ստեղծված իրադրության ընկալման ճանապարհին, առաջնորդում դեպի Համբոյի ու Գիրքորի ներքնաշխարհը՝ խթանելով նրա երևակայությունը:

Համբոն զգում է, որ Գիրքորին թողնելու է հեռու և օտար միջավայրում, գուշակում է վերահաս կտրուտի ծանրությունը, բայց այդ բոլորը Թումանյանը հաղորդում է առանց սենտիմենտալիզմի՝ լռեցու անպաճույճ ու կոնկրետացված արտահայտությամբ՝ «Մին մին եկողի հետ գիր դարկի»:

Իմաստուն են, հուղիչ կեղեքված ու հնազանդության վարժված ժողովրդի ներկայացուցչի մխիթարանքի ու հորդորանքի խոսքերը:

«Հացի կտորտանքն ու քարթուն կտան, կերակուրի թերմացքը կտան, շատ անգամ էլ իրենք կուտեն քեզ տալ չեն, բան չկա, ծառայի կարգն էդ ա... օրեր են, կը մընեն անց կը կենան»...

Տխուր բաժանման մասին Թումանյանը ոչինչ չի ասում, այդ ինքնին հասկանալի է:

Գիքորի կարճատև քաղաքային կյանքը ներկայացված է Երեխայի հոգեկանի առանձնահատկություններից բխող մեկը մյուսին հաջորդող, բայց անընդհատ ուժեղացող և Երեխայի կյանքն անտանելի դարձնող կոնֆլիկտների միջոցով:

Ծանր էր Գիքորի վիճակը այդ քաղաքների ընտանիքում: Որքան էլ տնային այդ մանր գործերը հեշտ լինեին, պահանջում էին յուր ճիշտ հմտություններ. նույնիսկ քաղաքացիների խոսքին՝ նրանց բառերն արտասանելու տեմպին հարմարվելը, հնչյունների յուրահատուկ գունավորումներն ընկալելը ժամանակ ու վարժվածություն էին պահանջում, սակայն ո՞վ էր նրան ժամանակ տվողը, սովորեցնողը, համբերողը:

Առաջին կոնֆլիկտի պատճառը հենց Գիքորի անտեղյակությունն ու պայմաններին հարմարված չլինելն է:

Գիքորը, — գրում է Թումանյանը, — «նստած էր խոհանոցում ու միտք էր անում, թե ընչի եկավ իրենց գյուղից, որտեղ է ընկել, հիմի ինչ պետք է անի...». ներս է մտնում տանտիկինը՝ նատոն և ինչ որ բան ասում Գիքորին: Գիքորը նրան չի հասկանում, բայց չի համարձակվում նորից հարցնել, ընդհակառակը, նատոյի անտեղի վիրավորանքը («Քե՞ղ չեմ ասում, տո, արջի քոթոթ») ավելի է վախեցնում ու շփոթեցնում Երեխային: Նատոն դուրս է գնում. Գիքորի գլխում ծաղում են մուսյլ մտքեր ու վախի երանգավորում ստացած բացասական զգացմունքներ:

— Վերջացավ... բայց ինչ շուտ վերջացավ... Ինչ վատ վերջացավ... հիմի ես ի՞նչ անեմ... հերս էլ գնաց...:

Այս դատողությունների ընթացքը բնորոշ է երեխաների համար: Հաճախ ամենափոքր դժվարություններն անգամ կարող են նրանց աչքում մեծանալ, ուռճանալ և ուժեղ ապրումների պատճառ դառնալ:

Այսպես, ամեն օր կշտամբանքների ու ծաղրի ենթարկվելով թե նատոյի և թե խանութի աշակերտների կողմից, Գիքորը հետզհետե սովորում է այդ ամենին և հարմարվում պայմաններին:

Հետևյալ կոնֆլիկտը իր լուրջությամբ նման չէ առաջինին: Այստեղ երեխայի ցանկությունների ու դատողությունների միջև ստեղծված հակասությունն է, որը ներքին կոնֆլիկտի ձև է ընդունում:

Առաջին տիպի դժվարությունները, ինչպես հեղինակն է ասում, «տանելի բաներ էին, անտանելին էն էր, որ նա չէր կարողանում քաղցին դիմանա»:

Եվ ահա որոշ որոնումներից հետո Գիքորը ձեռնաքաշության է դիմում. այլ կերպ չէր էլ կարող լինել: Թեպետ հայրը պատկերել էր նրան ծառայի կյանքը, նախազգուշացրել, խրատել, Գիքորն էլ հասկացել էր, բայց մի բան է Երեխայի գիտակցությունը, այլ բան՝ նրա կենսական պահանջը:

Ուտելու պահանջն ստիպեց նրան ճաշի միջից հանել կիսաեփ միսն ու մի կերպ քաղցը հաղեցնել, սակայն հենց հետևյալ մոմենտին, երբ պահանջը որոշ չափով բավարարված էր, բացասական զգացմունքները թուլացան, գլուխ բարձրացրեց և զննիվ երեխայի վախի զգացմունքը.

«Բայց եթե նկատեի՞նք...

Ինչ վատ բան դուրս կգա ր...»:

Իր արարքի ծանրության գիտակցումը և դրա հետևանքների պատկերա-

ցումը դարձյալ ծանր ապրումների ու անելանելի վիճակի ստեղծման պատճառն են դառնում:

Եթե առաջին կոնֆլիկտի ժամանակ Գիքորը պասիվ էր, խեղճ, ինքնապաշտպանության համար ոչ մի ակտիվ միջոցի մասին չէր էլ մտածում, ապա այս դեպքում նա ակտիվորեն ելք է փնտրում այդ վիճակից՝ քաղցած մնալ չի կարող, ձեռնաքաշություն անելն էլ շատ վտանգավոր ու անընդունելի բան է նրա համար:

«Հապա ի՞նչ անես...», — հարցնում է ինքն իրեն Գիքորը և հարցադրման ձևով պատասխանում.

«Թողնե՛ս, փախչե՛ս...»

«Եվ Գիքորն սկսեց մտածել փախչելու մասին»: Բայց նպատակն իրականացնելու ձանապարհին այնքա՛ն խոչընդոտներ կային, ինքն էլ դեռ այնքան փոքր ու անփորձ էր, որ բնականաբար պետք է կասկածների մեջ ընկներ, տատանվեր, նահանջեր:

«Բայց ո՞նց փախչես, ո՞ր կողմը փախչես. մենակ, ճամփա չգիտես, մարդ չես ճանաչում...»:

Ինչպես տեսնում ենք այստեղ հանդես են գալիս երեխայի կամքին բնորոշ առանձնահատկությունները՝ զգացմունքների ազդեցությամբ շուտափույթ որոշումներ կայացնելը, բայց առաջին իսկ դժվարություններից նույնքան արագ էլ նահանջելը, հետ կանգնելը:

Որոշումից հրաժարվելը, Գիքորի ծանր վիճակը լիովին շեղումացրեց, բայց մյուս կողմից էլ երեխան չէր կարող այդպես լարված հոգեվիճակի մեջ մնալ և ահա այս ներքին մղումների պայքարի դժվարին մոմենտին հիշողության մեջ արթնացան հոր կերպարն ու նրա հուսադրական խոսքերը՝

«Իսկ հերը...»

Ինքան չարչարվեց, խոսեց, խրատեց՝

«Եվ ահա Գիքորի գլխում հնչում է հոր խանձված ձենը. — «օրեր են, կը մթնեն, անց կը կենա՛ն... անց կը կենա՛ն...»:

Այս խոսքերը նորից ու նորից վերարտադրելով Գիքորը հանգստացավ ու թեթևացավ:

Եթե Գիքորը ազնիվ, միամիտ ու մաքուր երեխա չլիներ, ապա այս երկրորդ կոնֆլիկտը տեղի չէր ունենա:

Տվյալ կոնֆլիկտը հանդես եկավ երեխայի տարբեր հոգեվիճակների՝ քաղցր հագեցնելու համար ինչ որ միջոցների դիմելու և գիտակցաբար դրանից իրեն ետ պահելու ձգտումների բախման հետևանքով և ապա՝ քաղցը հագեցնելու բավականության ու անթույլատրելի արարքի հետ կապված անբավականության զգացմունքների պայքարի ձևով:

Այսպիսով, տարբեր հոգեվիճակների՝ ցանկությունների և գիտակցության բախումը անխուսափելի էր: Նման ներքին դժվարությունները կարող են շատ ուժեղ կոնֆլիկտի պատճառ դառնալ: Գիքորի մոտ այս կոնֆլիկտը շատ չի խորանում, չի կայունանում, նա հասնում է իր դադաթնակետին՝ երեխան որոշում է թողնել ամեն ինչ ու փախչել, սակայն նորանոր դժվարությունների գիտակցումը հիշողությամբ արգելակում է այդ որոշումը, իսկ հոր խոսքերը հուսադրում են երեխային: Այսպես ուժեղացած զգացմունքները հետզհետե հանդարտվում են ու երեխայի վարքը հավասարակշռվում է:

*
*
*

Անցնում է որոշ ժամանակ, և Գիքորը կարծես քիչ թե շատ հարմարվում է նոր նիստ ու կացին, ավելի դյուրաշարժ դառնում: Բայց այս ամենը դեռ բավական չէր: Բազմազի ընտանիքի պայմաններին լավ հարմարվելու համար, անհրաժեշտ էր ձեռք բերել նաև մտքի ձկունություն, հնարամտություն, սրագ հասկանալու և ըստ այդմ գործելու ընդունակություն:

Առ, իհարկե, շատ ավելի դժվար է և շատ ավելի երկար ժամանակ է պահանջում, քան աման լվանալը կամ կոշիկ մաքրելը:

Քաղքենի կյանքը իր պայմանականություններով, կեղծիքով, երկերեսանիությունով, շաժանություններով Գիքորի գեղջկական հոգու համար բարդ էր ու անմատչելի: Իրենց տանը ամեն բան պարզ էր, մաքուր, ուղղակի:

Մեծ հոգեւրանը կարողացել է ուժեղ կոնտրաստներ ստեղծելով, դեպքերի զարգացման ռեալիստական պլանի վրա պատկերել այն կոնֆլիկտը, որում երկու կողմերն էլ, կարծես, ճիշտ են ու իրավացի իրենց վարմունքի մեջ:

Բերենք օրինակ.

«Ջանգը տվին: Գիքորը վեր թռավ: Ասել էին, թե երբ պանգը տալիս են, պնա տեսնի՝ ով է, ինչ է ուզում: Նա դուրս եկավ, պատշգամբից նայեց, տեսավ մի պարոն ու մի քանի տիկին դռան առաջ կանգնած:

— Էդ ո՞վ եք, հեյ,— ձայն տվավ վերևից:

Ներքևից վերև նայեցին:

Տիկիները ծիծաղեցին, իսկ պարոնը ակնոցներն ուղղելով հարցրեց:

— Աղջիկ պարոնը տա՞նն է:

— Ի՞նչ եք անում,— հարցրեց Գիքորը:

Ներքև ծիծաղն ավելի սաստկացավ:

— Քեռ հարցնում են՝ տա՞նն է, թե չէ,— լարկացավ պարոնը:

— Բան ունե՞ք:

Էս աղմուկի վրա տիկինը դուրս եկավ»:

Թումանյանը մեծ ռեալիստի արվեստով տալիս է այն սիտուացիան, որ ստեղծվել էր այդ մոմենտին: Տիկիները հորդորում են Նատոյին, ասելով, որ բոլոր ծառաներն էլ այդպես են, որ դրանք սիրտ են մաշում և այլն: Նատոն իր հերթին փորձում է իր ամուսնու ժլատությունը ներկայացնել որպես մարդասիրություն՝ ասելով, թե Արտեմը պահում է Գիքորին՝ իբր աղքատ տղային մի կտոր հաց տալու նպատակով:

Այս կարճ խոսակցության մեջ լացահայտված են քաղքենիական միջավայրի բազմաթիվ արատավոր գծեր:

Տիկին Նատոն Գիքորին ուղարկում է խաճուժ, որը կես ժամից հետո, հյուրերի խոսակցության պահին, ներս է մտնում ասելով՝

«— Աղջիկ պարոն, միրյը լվրի:

— Հա, լավ. գնա՛,— հրամայեց տիկինը կարմրելով, իսկ հյուրերն սկսեցին ծիծաղել»:

Ցանկանալով խաղերին շառձենքը լրիվ հաղորդել աղջիկ պարոնին, այսինքն իր պարտականությունը լրիվ կատարել (ինչը նրանից միշտ պահանջել են), Գիքորը շարունակում է իր խոսքը, բոլորովին չկարծելով, որ դա շատ ծանր հետևանքներ պետք է ունենալ:

— Աղջիկ պարոն, խաղերին ասում էր՝ լալը թանգ ա, հարկավոր չէ...

Այս նոր ու ծանր սիտուացիան ղլխակորույս է դարձնում տիկին Նատոյին:

Ինչը կարող էր այլևս փրկել վարկարեկված ընտանիքի պատիվը: Հյուրերը փորձում են դրուժյունից ելք գտնել, ասելով, որ Արտեմը ճիշտ է, բայց դեռ թանկ է, հիմա ինչ բալ ուտելու ժամանակն է, ինչ նեղություն են քաշում...

Իսկ տիկինն նատոն շփոթված ու իրեն կորցրած՝ անմիտ փորձ է անում ինչ որ ձևով շտկել դրուժյունը՝

«— Ով գիտի ինչ է ասել, չի հասկացել էս հիմարը»:

Իսկ պրիմիտիվ և ուղղամիտ երեխան երգվում է, որ ինքը ճիշտ է ասել («Ով սուտ ասի՝ գետինը մտնի.— երգվեց Գիքորը» և, ինչպես հեղինակն է ասում. «ամեն բան լրացավ»):

Հեղինակն այլևս չի բացատրում, թե ինչպես ավարտվեց «Հյուրասիրությունը», ինչպես նատոն բաժանվեց հյուրերից...

Հեռակալ կարևոր մոմենտը Արտեմի տուն վերադառնալն է:

Խազեինը կատաղած կանչում է Գիքորին ու հարձակվում նրա վրա. «Տո՛, արջի քոթոթ, ես քեզ ասում եմ աղջիկ պարոնին ասա, դու գալիս ես դոնադներին ասում, թե բալը թանգ է՛ր...»: Այս ամենից հետո էլ Գիքորը չի հասկանում իր սխալը և փորձում է արդարանալ, որ ինքը աղջիկ պարոնին է ասել և ոչ դոնադներին:

«— Ես... ես... աղջիկ պարոնին..., — ուզում էր արդարանա Գիքորը»:

Այստեղ բազմակետերը լրացնում են երեխայի միտքը և ընթերցողի համար ամեն ինչ պարզ է դառնում:

Գիքորը ամեն ինչ հասկանում է բառացիորեն: Մտքի ամենատարական հնարամտության բացակայությունն էլ հենց սա է:

Իր «մեղքի» համար Գիքորը լավ ձեռքով է: Այս ծանր մոմենտին նա (ինչպես և բոլոր երեխաները) դիմում է մորը.

«Վայ, նանի ջան, վայ... վայ... նանի ջան, վայ...»:

Այսպես, համոզիչ ձևով, առանց գույները խառնելու, ռեալիստական սլանի վրա լուծելով հարցը՝ Թումանյանը հասնում է իր նպատակին՝ ցույց է տալիս քայքայվող գյուղի ընտանիքից պոկված երեխայի ողբերգական վիճակը:

Իհարկե, բանը նրանում չէ, որ Արտեմը կամ նրա ընտանիքը դաժան են, այլ այն, որ ամեն մի քաղթենի ընտանիք երևույթներին նայում է ոչ թե Գիքորի ու Գիքորների տեսանկյունից, այլ իր սեփական շահերի ու պատվի տեսանկյունից:

Գիքորին չեն հասկանում անգամ համագյուղացիները, որոնք տեսնելով նրան քաղաքածև ու մաքուր հագուստների մեջ՝ նախանձով են մտածում նրա մասին, ցավում, որ իրենց երեխաներն էլ այդպես չեն բախտավորվել:

Չկարողանալով թափանցել Գիքորի հոգու մեջ, նրանք երևույթները դիտում են մեծերի հոգեբանության տեսակետից:

* * *

Թումանյանը 12-ամյա Գիքորի հոգեբանությունը դրսևորում է նրա ամբողջ բազմազանությամբ. երեխայի զգացմունքները, մտածելակերպը, գործողությունները — մի խոսքով վարքն իր բոլոր կողմերով բացահայտվում է բնական ու պայմաններում, առանց հորինովի սիտուացիաներ ստեղծելու:

Վերոհիշյալ կոնֆլիկտից հետո, այլևս տվելորդ կլինի նույն միջավայրում տեղի ունեցած դեպքերի պատկերումը, դա կթուլացնի տպավորությունը:

Եվ Թումանյանը գտնում է սյուժեի զարգացման նոր ուղի:

Բազազ Արտեմը ամեն կերպ աշխատում է օգտագործել ձրի ծառային, Լթե ոչ տանը, գոնե խանութում:

Ահա Գիքորը աշխատում է խանութում, որտեղ «չիթ պետք է ծալեր, խանութը սրբեր, իսկ պարապ ժամանակ՝ մուշտարի կանչեր»:

Երեխայի վիճակը խանութում չի թեթևանում նախ այն պատճառով, որ նա ավելի շատ է ենթակա դառնում ծաղր ու ծանակի, ամեն մի պատահական հանգամանք, երեխայի ուշադրության ամեն մի շեղում... նորանոր հնարավորություններ են ստեղծվում դրա համար:

Հետո, Գիքորի հարաբերությունները շրջապատի մարդկանց հետ ավելի բազմազան են դառնում: Առանց այն էլ կյանքի նորանոր ազդեցություններին դժվարությամբ հարմարվող երեխան այժմ պետք է ոչ միայն խաղեխնների կամակատարը լիներ, այլև աշակերտների, որոնք հաճախ նույնքան դաժան են իրենց ստորագասերի նկատմամբ, որքան և տերերը:

Տանից ճաշը խանութ տանելու ժամանակ, կամուրջով անցնելիս Գիքորը նկատեց ուղկանը գետը գցող ձկնորսներին: Երեխայի համար ինքնին հետաքրքիր այդ երևույթը Գիքորի մտորումներին համապատասխան իմաստավորում ստացավ:

«— Էս մինն իմ բախտից,— ասավ Գիքորը ուղկանը ձգելիս: Գիքորի բախտը դատարկ դուրս եկավ:

— Էս մինն էլ Գալոյի բախտից: Գալոն էլ էր անբախտ»:

Բախտագուշակությամբ կլանված Գիքորը ուզում էր փորձել նաև մյուս տնեցիների բախտը, սակայն մի ուրիշ, ավելի ուժեղ գրգռիչ արտասովոր ազդու մղվելը շեղեց նրա ուշադրությունը:

Քարվանսարայի մոտ մեկը երգում էր ու պար ասում կապկիմ: Հետաքրքիր ու գրավիչ այդ անսովոր զվարճալիքը հրապուրեց Գիքորին, նա մոռացավ ինչպես ձկնորսներին, այնպես էլ ճաշը ժամանակին հասցնելու իր պարտականությունը: Երեխան սթափվեց միայն այն ժամանակ, երբ մի կինտո խփեց նրա գլխին ու դռաց՝ «Ի՛նչ ես ներս խցկվում, տո լածիրակ, գնա քո բանին»: Հարվածն ու վերջին բառերը Գիքորին ոչ միայն կտրեցին զվարճալիքից, այլև ստեղծեցին նոր ասոցիացիա, իշնչնելով, որ պետք է իր բանին գնա... Գիքորը վազելով դնաց խանութ: Չէ որ նա արդեն հասկանում էր, թե ինչ է սպասում իրեն:

Այս հատվածում Ռումանյանը բացառիկ արտահայտչականությամբ պատկերել է մանկական լեռնաբլուրությունների և ուշադրության ուղղվածության փոփոխումներն ու անցումները, մոռացման արամարանական-հոգեբանական մոտիվները, անփութության ու անհոգության համոզիչ արտահայտությունները, որոնք բացառված չեն սանգամ ամենուրեք ու դաժան պայմաններում:

Ընթերցողի մտքերին ու զգացմունքներին հարուստ սնունդ տալով, թումանյանը հարկ չի համարում պատմել, թե ինչ կատարվեց Գիքորի հետ խանութում: Չէ որ մենք արդեն տեսել ենք նման մի հանդիպում բալի կապակցությամբ:

Եթե նախորդ կոնֆլիկտի ժամանակ Գիքորի հոգեկան տառապանքները կարճատև էին, որովհետև նա լավ չէր հասկանում իր սխալը և հետևաբար ինչ որ սարսափելի հետևանքներ չէր սպասում, ապա այս դեպքում՝ պատժվելուց հետո էլ ամբողջ օրը երեխան ահա ու սարսափով է սպասել իր դատաստանին:

«Իրիկունը Գիթորը կուշ էր եկել խոհանոցում: Դեռ արտասուքը չէր ցամաքել նրա երեսին, դեռ այրվում էին խաղերինի ապտակների տեղերը, դեռ նոր էր լռել աղջիկ պարտնի ձևեր...»:

Եվ ահա այս ամենին ավելանում են աշկերտ Վասոյի ծաղր ու ծանակը:

— Կլուբումն ուշացա՞ր, տո արջի քթոթ, թե՞ գուբերնատորի մոտ վնաս դործ ունեիր...»:

Գիթորը հոգեպես այնքան էր ընկճվել, որ կաշկանդվել էին նրա և՛ միտքը, և՛ լեզուն. նա չէր համարձակվում նույնիսկ ղլուխը բարձրացնել:

Երեխան չպատասխանեց Վասոյի հարվածին, նա արդեն սովոր էր այդպիսի վերաբերմունքի, սակայն խաղերինի դալու կապակցությամբ Վասոյի ասած խոսքերը «ապա տես հիմի քեզ ինչ է անելու», Գիթորի մոտ ծանր ապրումներ ու մտքեր առաջացրին:

Դժվար չէ պատկերացնել թույլ, անօգնական, անտեր երեխայի վիճակը. նրա վախն ու հուսալքումը հասան իրենց գազաթնակետին և այդ մոմենտին Գիթորը գուշակեց ամենասարսափելին՝ «Հիմի ինձ կսպանեն,— անցավ Գիթորի մտքով ու խեղճի հոգին տապ արավ...»:

Ինչպես տեսնում ենք, այս դեպքում ևս Գիթորը հակված է մեծացնել վտանգը: Եթե առաջին դեպքում փոքրիկ անախորժության համար Գիթորի կարծիքով պետք է իրեն հեռացնեին, ապա այս դեպքում ճաշն ուշացնելու համար կարող էին սպանել:

Ծանր հոգեվիճակի այս կուլմինացիան երկար չէր կարող պահպանվել անհրաժեշտ էր լարվածության թուլացում և այդ թուլացումը տեղի ունեցավ:

«Խաղերնը արդեն բավականին ծեծել էր խանութում, այժմ միայն հրամայեց հաց չտան, որ իմանա թե ինչ բան է քաղցածությունը»:

Վտանգն անցավ:

Այսպես, Գիթորը հանգստացավ, բայց միայն հոգեպես, ֆիզիկապես նա շարունակում էր տանջվել: Նրան տանջում էր քաղցը, չէ՞ որ այդ օրը նա ոչինչ չէր կերել: Երեխայի ուտելու բորբոքված պահանջը հիմնավորելու նպատակով, Թումանյանն ստեղծում է շատ զորեղ գրգռիչ (Գիթորի մոտ նստած Վասոն սկսեց ուտել):

Այս հանգամանքը Գիթորի պահանջը վերածեց ուտելու արտասավոր ուժեղ ցանկության, որը թույլ չէր տալիս նրան որևէ այլ բանի մասին մտածել ուշադրությունը շեղել և գեթ մոտամբ թուլացնել այդ չբավարարված պահանջի պատճառած տանջանքը:

Գիթորի անհանգստությունը նկատեց Վասոն.

«— Հը՞, ո՞նց ա, սոված քունդ չի՞ տանում հա՞, էդպե՞ս... ու մի կտոր հաց ու պանիր տվավ Գիթորին»:

Գիթորը համիշտակեց հաց ու պանիրը, ղլուխը կոխեց տեղի տակ, թաքուն ուտում էր ու մտածում: Ինչպես տեսնում ենք, Թումանյանի մոտ ոչ մի մանրրունք կա, որ մտածված, առանձին ուշադրությամբ մշակված ու հոգեբանորեն ճշտված չլինի:

Հացը վերցնելիս Գիթորը չի քաշվում, չի վախենում, գողգողալով չի երկարացնում ձեռքը, այլ համիշտակում է: Սննդի ունեցվածքը այնքան ուժեղ է, որ ամեն ինչ մոռանալ է տալիս:

Մյուս կարևոր ունախտական-հոգեբանական օրինաչափությունը ճիշտ ներկայացնող շտրիխն այն է, որ Գիթորի գլխում հանդես եկան զանազան

մտապատկերները և հուշեր միայն այն ժամանակ, երբ նա սկսեց քաղցր հագեցնել: Այդ հուշերն էլ սկզբում կապված են դարձյալ սննդի հետ:

«Մտածում էր իրենց տան վրա, էն օրերի վրա, երբ ազատ խաղում էր հանդերում ու լիասիրտ հաց ուտում...»:

Ուտելու հետ անմիջապես կապված մտապատկերները այնուհետև գուցարդումների միջոցով հանդես բերին նաև ուրիշ հուշեր.

«...Մտածում էր էն երեկոների վրա, երբ հերն ու մերը կովում էին իրեն քաղաք բերելու համար... մերը լաց էր լինում, չէր ուզում...»:

Գիքորի ծանր վիճակը, հակադրվելով իրեն համար երանելի անցյալին, ստեղծում էր նոր մտքեր, նոր եզրակացություններ: Այս գուցարդումները և նրանց հիման վրա առաջացած հուշերն ու դատողությունները լիովին տեղին են պատկերված, հիմնավորված ու պատճառաբանված մանկան հոգեկանի օրինաչափությունների տեսակետից: Այսպես, դեռ դուրսում եղած ժամանակ Գիքորը անտարբեր էր մոր ու հոր վեճի ժամանակ, նա չէր հասկանում ինչպես, հոր, այնպես էլ մոր վարքագծի ողջ էությունը: Սակայն, երբ նա քաղաքի կյանքի ամբողջ ծանրությունը զգաց, իր վրա, նոր միայն սկսեց իմաստավորել մոր վարքագիծը:

«Ա՛խ, նանի ջան, ի՜նչ լավ էր սիրտդ իմացել, — հառաչում էր Գիքորը տեղի տակին ու հաց ու պանիր ուտում, ականջը սրած, թե խազեինը հո չի գալիս»:

Թումանյանը ցույց է տալիս բուրժուական հասարակարգում ուժեղացող էգոիզմը, նրա առավել վտանգավորությունն ու ծանրությունը փոքրերի համար:

Զե՛ որ ուրիշներին հասկանալու չկամությունը, նրանց վիճակի մեջ մտնելու անկարողությունը, հարկ եղած դեպքում չհարմարվելու ու գիջումներ շանելը, — այս ամենը էգոիզմի արտահայտություններն են:

Եթե մենք տեղի ունեցած դեպքին մոտենանք Վասույի տեսակետից, գուցե արդարացի ենք վերջինիս վարքագիծը. այդ անկիրթ, առևտրականների միջավայրում մեծացած, ստորաքաղաքային ու կուպտությունների սովոր կիսադուր մոտ սրտեղի՞ց պետք է լինե՞ր այնքան նորանկառություն, երևիսային հասկանալու կարողություն կամ երևույթները օրյակտիվորեն վերլուծելու ընդունակություն, որ նա կարողանար մեծահոգի լինել դեպի Գիքորը:

Վասոն չէր կարող հասկանալ իր արարքների ծանրությունը Գիքորի նկատմամբ (ծաղրելը, գլխին խփելը, վախը բորբոքելը):

Թումանյանը նրա մասին գրում է այնպես, որ ընթերցողի մոտ դեպի Վասոն ուժեղ հակակրանք չի ստեղծվում: Կոնֆլիկտի վերջում նույնիսկ որոշ համակրանք է առաջանում դեպի Վասոն, որը խլճում է Գիքորին ու հաց տալիս:

Եվ՛ դա ճիշտ է, չէ՛ որ Վասոն էլ իր միջավայրի ծնունդն է, իր ժամանակների գոհը:

Այսպես անցնում էին երևիսային օրերը, սակայն նա հարապատենքին տեսնելու, գյուղ վերադառնալու հույսը չէր կտրում: Այդ հույսը խավարում առկայծող մի փարոս էր, որն անընդհատ հավատ ու ուժ ներշնչելով մի կերպ տանելի էր դարձնում անսպասելի դժբախտ պատահարներով լի ձանձրալի առօրյան:

Մարդկանց ծանր ապրումները թեթևանում են, երբ դրանց հաղորդակից են դարձնում ուրիշներին, լսում մարդկանց հորդորաձևերը և այլն: Այս ամենն առավել ևս կարևոր է երևիսաներին, որոնք ավելի զգայուն են, ավելի ենթակա աֆֆեկտների, ավելի ներշնչվող ու ռեզոնանտ:

Գիքորի միակ մխիթարությունը ձեռք գեղին էր, բայց հիմա Գիքորը նրան

Համարյա չէր էլ տեսնում, նա ամբողջ օրը խանութում էր: Բայց ով պետք է երեսային հորդորներ, ապագայի նկատմամբ հավատ ու հույս ներշնչեր: Ամբողջ օրը միևնույն ձանձրալի ու հոգնեցուցիչ զործը կատարելով, Գիթորը հնարավորություն չունի ուրախանալու, խաղալու, ինչ որ բան սովորելու, իր սեփականություններին լավարարություն տալու համար:

Միակ սփռփանքը, որ մնացել էր ու ոչ ոք չէր կարող խլել Գիթորից, դուրս գալու կյանքի հուշերն էին և նրանց հետ կապված երևակայական մտապատկերները:

Երեսային միակ իղձն էր տեսնել հարավատներին, վերադառնալ հայրական տուն և ապրել նախկին ազատ ու երջանիկ կյանքով:

Ըստ պատմվածքի տրամաբանության, Գիթորի սիրտը ջերմացնող միակ կաշն էլ պետք է հանգեր և նա հանգեց:

«Մի օր էլ Գիթորը երբ մուշտարի էր կանչում՝ դիմացից երկու գյուղացի դուրս եկան: Նա վաղեց, փաթաթվեց գյուղացիներին»:

Համագյուղացիները չճանաչեցին Գիթորին, որովհետև նա շատ էր փոխվել, մաշվել: Նրանք հիացան Գիթորի քաղաքատիպ արտաքինով, նախանձեցին Համբոյին, որն իր որդուն մարդ էր դարձրել:

— Համբոյի հողը մեր գլխին. տես, նա իր տղին որտեղ հասցրեց, մեր տղերքը կտեղ խուլ են արածացնում...

Զգեստնալով կյանքի սոցիալական խոր հակասությունները, չհասկանալով նյութական ու բարոյական ստրկացման նոր ձևերը, Համբոյի համագյուղացիները հիացած են մեծ ու հարուստ քաղաքի շրջուցիչ արտաքին փայլով, լակված են Թիֆլիսում տեսնել միայն հարստություն ու բարօրություն: «— Այ տղա, էս կարգին մարդ ա դառել... հալա սրա շորերին, սրա շնորքին...— հիանում էին գյուղացիները»:

Գիթորի հարցերի պատասխաններից պարզվեց, որ իրենց ընտանիքում ոչ մի հուսադրական բան չկա, հայրն էլ աղքատ է, քաղաք չի կարող գալ, բայց այնուամենայնիվ Գիթորը ցանկանում էր նրանց հետ գյուղ գնալ: Գիթորին պաշտոնապես էր միայն այդ միտքը:

— Ուզում եմ՝ ես էլ գամ ձեզ հետ: Համ մեր գեղին, համ մերոնց կարոտել եմ, համ էլ...

Եթե համագյուղացիները մի քիչ նորանկատ լինեին, ապա Գիթորի սկսած, բայց չվերջացրած նախադասությունը կհասկանային, գոնե հուսադրական, բաշխարական խոսքեր կասեին, բայց այդ ամենի փոխարեն նրանք երեսային միայն նախատեսցին:

«— Էն որ ասել են՝ «Խուլի գլուխը դրին խալիչին, գլուխը ետ ցեխն ընկավ», հալալ քեզ համար են ասել: Էսպես հանդիմանեցին գյուղացիները, խրատեցին, մնաս բարով ասին ու գնացին»:

Գիթորն ընկճվեց ու այլևս ոչինչ չասաց, բացի այդ նա դեռ պետք է լսեր հորը, որին պատկանում էր վերջին խոսքը: Գիթորը քաշվեց իր ամկյունը և սկսեց կարդալ հոր նամակը:

Սրտակտուր նամակը կարդալուց հետո գյուղ վերադառնալու հույսերը վերջնականապես մեռան:

«Նանն ու Զանին տկոթ են... տեղներս նեղ ա...» մտքում նամակի խոսքերն էր կրկնում Գիթորը, մինչդեռ անհոգ ու անտարբեր ուրիշի դժբախտության նկատմամբ առևտրականը երեսային վրա դուռն է:

«— Կանչի է՛, տո, ինչ ես վերացել, ուշքդ հետները գնա՞ց...»:

Գյուղ վերադառնալու պատրանքի վերջն է այս: Գիքորն սթափվում է և զդուժ դառն իրականության վերջնական հաղթանակը:

Երեսայի ապրումների այսպիսի կոնտրաստներ ստեղծելով, Թումանյանն իր պատմվածքը տանում է դեպի տրամաբանական վախճանը:

Բժախնդիր ու պահանջկոտ նատյոյի տնային ծառա, ապա խանութի աշակերտ Գիքորը զգում է իր անելանելի դրությունը: Բայց այդ քիչ է, Թումանյանը ուզում է ցույց տալ, որ զարգացող կապիտալիզմը և նրա բուրժուական քաղաքային կյանքը ոչ միայն խեղանդամ են անում, լլկում, ստորացնում ու բարոյալքում խեղճերին, աղքատներին, երեսաներին, այլև մահվան դուռն են հասցնում, ֆիզիկապես ոչնչացնում նրանց:

Հանճարեղ և կարշի վրձինի համարձակ ու վառ գծերով են պատկերված դժբախտ երեսայի հիվանդանալու պատմության տեսարանները:

Եթե Գիքորի հոգում ոչ մի տաքացնող հույս չկար, ապա ի՞նչը կարող էր փրկել նրան դաժան ցրտից ու քամիներից:

Եվ ահա, հոգեպես ընկճված, նիհարած, ձմռան ցրտին միայն մի բարակ բլուր Կաղած Գիքորը կանգնած էր խանութի առաջ՝ ենթակա բուք ու բորանի ավերիչ ազդեցությանը:

«Ձմեռը և կամ: Սառն աղմուկով ձյունախառն բուքը լուշում է քաղաքի վրայով: Փողոցներում սուրում, սուլում, հոսան է անում: Վզվալով մտնում է անկյունները, աղքատի ու աղքատի է ման դալիս, պանդուխտ ու անտեղ երեխա է յորոնում:

Ահա դուավ Գիքորին:

— Հրե՛սսս... — շարախինդ սուլելով ցուրտը, աներևույթ թրի նման, զարկեց անցավ ոսկորները: Գիքորը դողաց»:

Այնքան պարզ, հակիրճ, ճշմարտացի ու արտահայտիչ են այս խոսքերը, այնքան հուզական, որ կարծես լսում են քամու շարախինդ սուլոցը, ֆիզիկական մի դող է անցնում մարմնովդ, հասնում մինչև ոսկորներդ... սիրտդ...:

12-րդ մասում շնորամենը տասը տողում ստեղծված պատկերը ցնցող տպավորություն է թողնում ամեն մի ընթերցողի վրա. առանց արցունքների չի կարելի կարդալ այդ ստղերը դրանք առավել ևս հուլող են, որովհետև վերաբերում են հարազատներից պոկված ու անդունդը նետված խեղճ ու անօգնական Լուսային: Բաղադ Արտեմի և կնոջ անմարդկային վերաբերմունքը ծանր հիվանդացած Գիքորի նկատմամբ: Թումանյանն արտահայտում է հակիրճ ձևով՝ նա պառկած է «Բաղադ Արտեմի խոհանոցում», և խաղեխններին, միայն մտա-հոգում էր Գիքորին հիվանդանոց փոխադրելու և հորը հայտնելու անհրաժեշտությունը:

Միայն պառավ դեղին՝ նստապետական տրադիցիաներով դաստիարակված Լուսայինի բաղրենիական «և որ» ազդեցություններից աստուտ այդ դրական հերոսն է, որ ցավում էր ու հոգում Գիքորի առողջության մասին:

Սակավախոս Լ. Թումանյանը հիվանդի վիճակի, ապրումների ու տանջանքների նկարագրության մեջ՝ Այլ հեղինակ գուցե այս մասին մի դուրս դրեր, բայց Թումանյանը սահմանափակվում է մեկ-երկու նախադասությամբ, որոնցում սակայն ոչ միայն բացված է Գիքորի հոգին, այլև կատարված է խոշոր ընդհանրացում:

«Հիվանդ պառկած էր Գիքորը բաղադ Արտեմի խոհանոցում: Պառավ գեղին օրը մի քանի անգամ ներս էր մտնում իրեն-իրեն խոսելով:

— Ի՞նչ կուզես, որդի՛, Գիքոր՛ը:

— Զո՛ւր...

Դեղին ջուր էր տալիս: Հիվանդը դողդոջուն ձեռներով բռնում, ազահ խմում էր ու կրկին ուզում:

Հին Թիֆլիսի տաք ու անհամ ջուրը խմելիս Գիքորը անկասկած, միշտ էլ կարոտով ու ծարավով էր հիշել լոռու սառն ու վճիտ աղբյուրները: Սակայն այդ մասին Թումանյանը պատմվածքի սկզբում չի խոսում, այլ թողնում է Վերջին բաժնին, երբ Գիքորը հիվանդ է և ջերմության մեջ տառապում է սառը ջրի այրող պահանջից: Այսպես, ամեն բան իր տեղում է, հոգեբանական զարգաման համապատասխան աստիճանի վրա:

«— Էս սիրտս հովացնում չի, դե՛ղի... Ես մեր աղբրի սառը ջրիցն եմ ուզում, դե՛ղի»:

Ընթերցողն զգում է, որ խոսքը ոչ միայն և ոչ այնքան ջրի մասին է, որքան այն պայմանների, որոնցում Գիքորը կյանք չի կարող ունենալ: Ոչ մի բուժում չի կարող փրկել իր հոգեվարքն ապրող դժբախտին:

Թիֆլիսի ջուրը չի հովացնում Գիքորին, ինչպես չի օգնում բարի, բայց տաք զեղի օրեկան մի քանի անգամ խոհանոց մտնելը: Այդ են վկայում Գիքորի մինչև արտասույնք հուզիչ խոսքերը, որոնք իրենց բովանդակության մեջ խիստ կոնկրետացված են, բայց հոգեբանորեն ընդհանրացնում են նրա ապրումների ողջ գամման:

«... Ես մեր տունն եմ գնում... Ես իմ նանին եմ ուզում...»:

Որդու հիվանդության լուրը ստանալով Համբոն գալիս է Թիֆլիս և Գիքորին գտնում հիվանդանոցում՝ հոգևարքի մեջ: Թե ինչքան էր նիհարել, գունատվել, կերպարանափոխվել երբեմնի առողջ ու աշխույժ երեխան, այդ երևում է հոր խոսքերից «էդ ինչ ևս էլել, Գիքոր ջան,— մղկտալով վրա ընկավ Համբոն»։ «Մղկտոցը», «վրա ընկնելը», և «էդ ինչ ևս եղել» խոսուն բնութագրությունը ընթերցողի երևակայության մեջ ստեղծում են շատ ավելի կոնկրետ պատկերացումներ, քան երկար ու բարակ սենախմենտալ նկարագրություններն ու հայտարարությունները երեխայի վիճակի մասին: Այստեղ ևս մենք տեսնում ենք դործուղության և պատկերի ուժը: Բնորոշ է նաև այն, որ Գիքորի զառանցանքի մեջ արտահայտված են երկու մոմենտներ՝ տուն վերադառնալու և հարազատներին տեսնելու կարոտը («Միկիչ, Զանի, ապի նանի») և իր ծանր ու տհաճ պարտականության կատարման անհրաժեշտության զգացմունքը («— Էստի՛ համեցե՛ք, էստի՛ համեցե՛ք»):

Ինչպես ամբողջ պատմվածքի ընթացքում, այնպես էլ նրա վերջում կարծես աննշան, սակայն խիստ հուզող ու կարևոր շարիքով Թումանյանը դարձյալ վերադառնում է Գիքորի ներքին աշխարհին:

Որքան բնորոշ է փոքրիկի հոգեբանությանը նաև այն, որ Գիքորը մի քանի դույնզգույն կոճակները խնամքով պահել էր զրպանում՝ քրոջը նվիրելու նպատակով: Այս մոմենտը մյուս կողմից ցույց է տալիս Գիքորի հոգու մաքրությունը. ապրելով հարուստ վաճառականի ընտանիքում, աշխատելով նրա խանութում, նա իրեն թույլ չէր տվել որևէ բան յուրացնել, և պահել էր միայն այն, ինչ գտել էր կամ հավաքել, հրապուրվելով դրանց արտաքին գեղեցկությամբ («մի բուռ փայլուն կոճակներ, նախշուն թղթեր, շքի կտորներ և մի քանի քորոց»): Բոլոր այս մանրամասները բացահայտում են հերոսի կերպարը, ընթերցողին մտերմացնում ու ցավակից դարձնում Գիքորին՝ անխղճի հոգե-

կան կապ ստեղծելով նրա հետ: Հմայիչ վարպետը իր պատմվածքի վերջում մեզ նորից վերադարձնում է դեպի տխուր լաժանման միջադեպերը և մենք Համբույի հետ վերհիշում ենք ճանապարհը դեպի Թիֆլիս «ահա էստեղ էր, որ նա ասավ.— Ապի, ոտներս ցավում են... եվ ահա են ծառը, որի տակ նստեցինք հանգստանալու... Ահա էստեղ էր, որ ասավ.— Ապի, ծարավ եմ...»:

Դժվար չէ նկատել, որ հոգնելու ու ծարավելու մոմենտները հիշվում են միայն վերջում: Հեղինակն այդ օգտագործում է Գիքորի մահը սգացող հոր պաշտօնների արտահայտության համար: Չէ՞ որ կորստից հետո միշտ հիշվում են դժվարությունները, փորձությունները, որոնք այլ պայմաններում կարող էին միանգամայն աննկատ մնալ:

Գիքորի մահվան և հոր ծանր ապրումների ցնցող պատկերները մեկուվում են ընթերցողի երևակայության մեջ, լցնում նրա սիրտը անհուն ատելությունամբ անիծյալ անցյալում տիրող դաժան կարգերի ու բարքերի նկատմամբ:

Մի փոքր երեխայի լախտի պատկերումով Թումանյանը հասել է խոշոր գաղափարական ու գեղարվեստական ընդհանրացումների և հոգեբանական ռեալիզմի փայլուն հաղթանակի: Ահա թե ինչու «Գիքորը» եղել է ու կմնա մեր մանուկների, պատուհիների, փնչպես և մեծերի կողմից խորապես սիրված պատմվածք: